

مُصَاتِقُكُمْ

محل ارايه:
درسه‌آدمه باب عالی جاده‌سنده
دايره مخصوصه در

مستكرزه موافق آثار جديده مع المنزله قبول اولور
درج ايدى طبق آثار اعاده اولور
انظار:

دين ، فلسفه ، ادبيات ، حقوق و علوم دن باحث هفته‌لق رساله در

درسه‌آدمه نسخه‌سى ۵۰ باره در

قبرله دن مقوا بورو ايله كوندريليرسه سنوي
۲۰ غروش فضله آلير.

درسه‌آدمه پوسته ايله كوندريليرسه ولايات بدلى اخذ اولنور.

تاريخ تأسيسى :

۱۱ محوز ۳۲۴

مؤسلىرى : ابوالملا زين العابدين - ح . اشرف اديب

منه لى القى آلبى

۳۵ ۶۵

۵۰ ۹۰

۵۰ غروشدر

درسه‌آدمه

ولاياتده

ممالك اجنبيه‌ده

عدد : ۲۳

۵ محرم ۳۲۷ پنجشنبه ۱۵ كانون ثانى ۳۲۴

برنجى سنه

اسلاميتك بخش ايتديكى حریت عامه

مصالح عمومیه به تعلق اولدینی حالده بین الناس دورانی تعارف ایتین، قولاًقر ایشتمه‌سنه یکی باشلامش اولان تعبیراتک مدلوللری، معانی صحیحه‌سی اهل و اربابی طرفندن ایضاح، ولو بعض اذهانه نسبة و قوعی ملحوظ ابهامات ازاله و اشکالات حل اولنمق اقتضا ایدرکه مطلوب اولان منافع تأمین اولنسون، ترس آکلابشره میدان قالماسون.

بویله یا یلمیه‌جق اولورسه الفاظ ماوضع لهندن چیقاریله‌رق بشقه مغالره صرف و اماله اولونور، بویوزدن صلاحه بدل فساد وقوعه‌بولور. بوکا بناء یاران عزیزمزدن برذات «حریت شرعیه» نک ماهیت و مقتضیاتنه، خصائص و حدودینه دائر - حسن ظن و اعتمادینه مبنی - بندن بر مقاله طلب ایتدی. طلب واقعه اجابته تحریرینه خامهران اولدیغیم بومقاله‌نک نشری ده متمم بولندیغیمز حریت سایه‌سنده میسر اولسنه مقابل جناب حقه عرض تحمیدات ایدرز. (هذامن فضل ربی) «محمد مکی بن عزوز» [۲]

مقدمه

حریت : نفی عظیم، خطری جسم اولان حقائق جمله‌سندندر. حریت تعبیرمزمک معنای دلاراسی ادراک و دائره شمولی تعیین اولنور [۲] مشارالیه حضرتلری بزم مدح و ستایشمزدن مستغنی اعظم علمادن نادرالوجود برذات فضائلسماتدر .
تونس سادات و اکابرندن اولوب بر مدتنبیری بوراده اقامت بیوریورلر . مقاله فاخره‌لرینی برای ترجمه و نشر فقیره هدیه ایتشلددر . ترجمه‌مز بعض علاوآتی ده محتوی اوله‌جقدر .

و مقتضاسی کوزده‌دیله‌رک، مرکزی اوزرینه جریاننه دقت و اهتمام ایدیاپرسه دنیا و آخرت سعادتق اجرارینه وسیله اوله‌جنی کبی، حقیقت مناسی بیانمیه‌جک و یا فرط تعصب و عناده قاپیله‌رق سوءاستعمالدن تحرز ایدلمیه‌جک اولورسه جهل و انحرافک درجه‌سنه کوره مشکلات پیدا اولور، انواع محاذیر تولد ایدر .
حریت شخصیه‌نک ماهیت حقیقیه‌سی تعییننده کریوه خطایه دوشمک، حدود طبیعیه‌سنی بالاتزام آشمق او قدرمضر، اول مرتبه مفسد اخلاق و محل آسایشدرکه بووادیلرده پویان اولان، بویله بر جریانه قاپیلان افراد بشریه‌نک آزمدت طرفنده هر درلو انتظامی اضاعه ايله اضمحلاللری مقرر در .

زیرا بودرلو حرکت، بو طاقم حالاته جرات، شرع و قانونه عدم مربوطیت، حقوق آخره عدم رعایت دیمک اولمغله هر طبع سلیم نزدنده منفور و مستکره اولان ظلم و استبداددن بشقه برشی اولمدینی آشکاردر . [اذا جاوزالشی حده جانس ضده]
حریت شرعیه و معقوله معموریت دیار و بلادی، رناه احوال عبادی استلزام ایده‌جک بر معشوقه عالمدرکه بونک اک برنجی خاصه لازمه شامله‌سی هر کسک بتون حقوقه نائل اولسندن، هیچ رفردک مغدوریته اوغرامامسندن عبارتدر .

حریت، مبادی علم حقوقده : آخرک حقوقه تعدی ایتهمک شرطیله هر شخصه محافظه حقوق صلاحیتینی ویرن بر وصف ذاتی آدمی، دییه تفسیر اولونور. ایشته کرک شرع شریفک، کرک عقل و حکمتک قبول و توصیه ایتدیکی حریت بوندن عبارتدر . بو ایسه تمامی تمامنه استبداد و استقلاله، ایثار و عدوانه ضددر . [الضدان لایجمعان] حکمی ده قواعد فلسفیه‌نک الابدیهی اقسامندندر .

بوندنطولای رسول اکرم افندمز حضرتلری حریتک امانه اولندیغنی هسکامده احیاسنه بذل مقدرت ایدجک ذواته اک بیوک درجاتی وعد مقامنده [افضل الجهاد کلمه حق تقال عند سلطان جائر] بیورمشلردر .

معنای شرافی : جهادک افضل واکملی اعتیادجور ایلین حکمداره قارشى سویله نیاهن طوغرو سوزدر .

[حدیث آخرده « سیدالشهداء حمزه بن عبدالمطلب ورجل قام الی سلطان جائر قامره ونهاف فقتله » وارد اولمشدر . یعنی شهیدانک اک اولوسی « عم پاک رسول اکرم » حضرت حمزه « رضی الله عنه » ایله اول مرد معالی سیرتدرکه برسلطان جائره قارشى قیام ، امر بالمعروف ونهی عن المنکره اهتمام ایدوب ده آنک تیغ غدیریه تمل اولونه . بو حدیث شریفلرک ایکنسی ده جامع صغیرده مذکوردر . حدیث اول « سنن ترمذی » ده « ان من اعظم الجهاد کلمه حق » عبارته شریفه سیله مرویدر . « تقال » کلمه سی جامعده یوقدر . کذلک جامع صغیرک رمز ایلدیکی « سنن ابن ماجه » ده « کلمه عدل » کورولمشدر . هر تقدیره کوره کرک تحریری ، کرک شفاهی اولسون امر بالمعروفه دائر ، یولسر حرکاتی اخطار قیلندن کلام ایله تفسیر اولونور .

سنن ابن ماجه شرحنده محقق سنندی « علیه الرحمه » افضلیت مذکورده بی ایکی وجه ایله توجیه ایتمشدر . (۱) نجی وجه جهاد متعارفده انسان غایه امیدیه ، خوف ورجا آره سنده حرکت ایدر . سلطان جائرک مسلکنه مداخله ایسه اغلب احتمال کوره باعث هلاک اولور . (۲) نجی وجه حرب ووفاده مؤمن کندیسته معاونت ایدجک چوق کیمسه لر ایله برابر بولونوز . بوراده ایسه اکثر ناس کندیسنی تخطئه ایدر ، یا لکن بزاقییر .

حریت شرعیه نك دائره وسیعه سنده موجب صلاح وفلاح اولان کافه معاملات اعتدالکارانه داخل ، معناً یا خود ماده شائبه فساددن خالی اولمیان حرکات ، هر درلو تجاوزات واعتسافات خارجدر .

اذا قالت خدام فصدقوها

فان القول ما قالت خدام مابعدی وار

مناسترلی اسماعیل حق

نجائب قرآنیة

سورة رعد : آیت - ۱۱

« . . ان الله لا یغیر ما بقوم حتی ینغیروا ما بانفسهم »

[جناب حق بر قومک کامران اولدیغنی نعمت عافیت و آسودکیدن دور اوله رق گرفتار محن وشدائد و دوچار ذل وهوان اولسنه کنندی فعللرینی بوزملری و فضائل اخلاقه لرینی ترك ایتلمی سبب اولوب بو اولمدقه حضور و آسایشلری تطرق خللدن مصون قاله جغنی بیان

الحاصل حریتی حدودی خارجنده توسیعه قیام ایدن کیمسه اسراف واعتدایه میل ایتمش اولور . [ان الله لا یحب المسرفین] ، [ان الله لا یحب المعتدین] . نصل که مشمولات حریتی استفادن قاصر و غافل ، حقوقا طبیعیه سنی محافظه دن متکاسل اولان مرد بی حس وحمیت ده شرف ذاتی انسانی بی اضاعه ایتمش ، شریعت اسلامیته نك ، عقل و حکمتک بنحس ایتدیگی نعمتک قدرینی بیلمه مشن اولور .

افراط قدر تفریط ده مذمومدر . چونکه هر ایکنسی ده اقتضاد واعتدال خارجنده در . هر هانکی سنی التزام ایدن شخص ظلم و تقصیره نسبت اولتور .

شخص اول عالمه ، بزیک ده کنندی نفسنه ظلم ایتمش دیکدر . ظلمک هر قسمی بویوک معصیت ، بادی وخامت ومسئولیت اولدیغنی درکاردر . [وما ظلمهم الله ولكن كانوا انفسهم یظلمون]

حریت شرعیه - که جناب حق جل شاناه بوتون انبیای عظامی آنی تقریر ایچون بعث بیورمشدر - نظام بشری بی اصلاح و حیات مسعوده بی تأمین باینده شرایع سببجانیته نك هر زمان اک زیاده اهتمام ایلدیکی اساسات عظیمه نك بری ، رحمت واسعة ربانیه اثریدر .

حریت کلمه سنیك اشعار ایتدیگی معنای صحیح مقابلی بوتان عبودیتی ملاحظه ایله نك قولای نمایان اولور ، معلوم اولدیغنی اوزره کافه افراد بشریه حق تعالی نك قوللایدر . هر فردک عبودیتی شریک وشیمدن منز اولان واجب الوجوده مخصوصدر . هیچ کیمسه نك بویوننده باشقه عبودیت یوقدر . شرع شریفک وضع ایتدیگی حدوده مراعی بوتان شخص آدمی تماماً خردن ، مطلق العناندر . حیاتندن ، مساعی واقعه سندن استفاده به مأذوندر . حدود مذکوره دائره سنده ایسته دیکنی سویله نك آرز ایتدیکنی ایشله ر کندیسنی کیمسه بوفکرندن منع ایدمز ، خلافته مجبور قیله ماز .

حریت ایله عدالت آراسنده تلازم واردر . یکدیگرندن انفکاکلری متصور دکدر . حریت بولنورسه عدالت ، عدالت بولنورسه حریت ده بوتور . حریتدن محروم قلنان ملتلر عدالت یوزی کوره مزلر . مظهر عدالت اولانلر حریتسزلکدن شکایت ایده مزلر . هر ظلمک مناسبی سلب حریتدر .

رجال حکومتدن بنیاد نظامی تحکیم مراد ایدن خائسلر اولو وسائط عدیده ایله خلقک دیلرینی باغلارلر ، قلملرینی قیرارلر . آندن صکره تجاوزاته باشلارلر . خلافتی حقوقلرندن محروم ایدرک دائره اسارته ادخاله ایدرلر .

ازمنه اخیرده هر ملتک واسطه مدافعه سی مطبوعاتدن عبارتدر . بر مملکتده حکم سورن سوء اداره بی ، وقوع بولان مظالم و تعدیاتی شرح ایدجک ناطقه شکوی مطبوعات عمومیهدر . حریت مطبوعات ابطل ایدیانه مدافعه حقوق قابل اوله ماز . بوتون اهالی مملکت عجز و حیوت ، بیک درلو دهشت ایچنده قالیر . تدریجاً محو و نایاب اولور کیدر . ایشته بو محو و انقراضه سرعت تامه و یرمک ایچون مطبوعاتی پامال قهر ایتک اک بیوک تدبیر ظالمانه در .